

Յայսմ ամսեան լուսոյ՝ յորում բարձրանայ արեգակն ի վերին աստիճանսն, ի նոյնս բարձրացաւ Որդին լուսոյ ի բարձրութիւնս երկնից: Յամսեանս յայսմ՝ յորում ի վերայ գլխոյ կամարին հաստատութեան կանգնի արեգակն և տեսանէ զամենայն աղբիւրս, ի նոյնս համբարձաւ ի բարձունս արեգակն արդարութեան եւ լուսաւորեցան ի նմանէ ամենայն տիեզերք որ խաւարեալք էին...: Ի Տբէթ ծնունդն նորա, զի յայնմ ամսեան իջանէ արեգակն ի խոնարհ առ ի քարոզել եթէ էջ յերկիր Որդին Բարձրելոյն: Եւ ի Սիւան՝ համբարձեալ բարձրանայ արեգակն ի ճանապարհս իւր, և նկարագրէ զպատկերն լուսոյ Քրիստոսն որ ի նոյնս համբարձաւ» (Հոգ. էջ 357-358):

9. Հրեշտակաց իննօրեայ տօնակատարութեան աւանդութիւնը. — Գրիգոր վրդ. Տաթևացին այս աւանդութեան մասին կը գրէ հետեւեալք. «Այլ մեր վարդապետք եկեղեցոյ ասնն թէ յորժամ համբարձաւ Քրիստոս, ի նոյն կէտն եհաս մինչ ի հրեղէն երկինս, այլ հանգեաւ ի դասս հրեշտակաց: Եւ յայս ինն օրն յինն դասս հրեշտակացն եմուտ յիւրաքանչիւր դասու օր մի հանգչելով՝ իւրաքանչիւր դասքն ընդառաջ ելեալ Քրիստոսի ցնծութեամբ և ուրախութեամբ ընդունէին առ ինքեանս զեկեալ թագաւորն իւրեանց և տօն կատարէին...: Այսպէս հանգչելով յիւրաքանչիւր դասս հրեշտակացն ուսուցանէր զխորհուրդ մարգեղութեան իւրոյ, և կարծիքս այս հաստատուն է, զի աւանդութեամբ այս առ մեզ եհաս, յորժամ էր Լուսաւորիչս մեր ի վիրապն հնգետասան ամ, և հրեշտակն որ սպասաւորէր նմա յաւուր, ի յիշխանութեանց դասուն էր: Եւ ի չորրորդ օրն կիւրակէին՝